

ՄԻ ԿՐԻՑՈՒՄ ՀՈՎՆԱԹԱՆՅԱՆ ՏՈՀՄԱԾԱԹՈՒՆ

Ա. Բ. ԳԵՎՈՐԴՅԱՆ

XVII—XVIII դարերի հայ գեղանկարչության նշանավոր ներկայացուցիչ Նազաշ Հովնաթանը, ինչպես նաև նրա տոհմի մյուս ներկայացուցիչները հանաչված են նաև հայ ուշ միջնադարի մանրանկարչական արվեստում ներդրած իրենց ավանդով։ Նրանց մասին հղած սակավ տեղեկությունները ուսումնասիրողներին հնարավորություն չեն տվել ամբողջական պատկերացում կազմելու տոհմի որոշ նկարիչների դրժունեություն վերաբերյալ։ Ն. Ակիսյանը անդրադառնալով Հովնաթանյաններին դրում է. «Ի՞նչ ունե՞ր Յովնաթանյան հորայրներ ալ, այս մասին չշղրիա անդեկություն չեմ դաժալ։ Այս առումով որոշակի կարևորություն են ստանում վերջին տարիներս Մատենադարանում Հովնաթանյանների անուններով բացահայտված մատյանները², որոնք դայիս են հարստացնելու, նշանավոր առժմի վաստակի մասին մեր ունեցած տեղեկությունները և նպաստելու որոշ հարցերի սարգարանմանը։ Նորահայտ մատյանների շնորհիվ պարզվել է, որ Նազաշ Հովնաթանի հայրը ոչ թե Վարդանի որդի Հովհաննես վարդապետն է, այլ՝ Գրիգորի որդի Հոհանր, որը զրել ու նկարազարդել է ձևազրերը։ Հայտնի դարձավ նաև Հովնաթանի ավագ հորայր Մարգարը, որը նույնպես զրել ու մանրանկարիչ էր։ Գրչության արվեստով է զրազվել նաև Հովնաթանի հորեղբայր Թադևոսը։

Հիշյալ անունների կողքին Հովնաթանյան տոհմածառը հարստանում է նաև այլ նոր անուններով։ Այդ ասումով ուշադրության արժանի է Նազաշ Հովնաթանի տաղերի ժողովածուն, ընդարինակված 1765 թ.։ Ձևազրի զրիչներն են աղուլեցի Հայրապետը և նրա հորայրը՝ մաշդասի Հակոբը³։

Հիշյալ ձևազրում Նազաշի և նրա որդու աստղերից բացի ընդօրինակված են նաև այլ տաղերգուների (Հովհ. Գաշուկի, Գաբրիել, Սա. Շոռոթեցի, Պաղտատար զպիր, Սարգիս Ակնեցի, Ղարիբ արևդա, Սոտրել վրդ., Ղազար Զաչեկցի, Ավետիս Շոռոթեցի) դործերը։ Ձևազրի զրիչները ժողովածուն անվանել են «Գիրք որ կոչի տաղարան Հովնաթանի»։ Հիշատակարանում նրանք դրում են. «Արդ, հորարբ իմ սիրելի, այս հարուստ և զովելի տաղարանս որ հանդիպիր, կամ ընթերցուր, յիշեցի շոռոթեցի Նազաշ Յովնաթանին և իւր Յակորջանին, որ են նընջեցեալ։ Այլ և յիշեցի և ձեր ամենեցուն ծառայ Հայրապետ զրիչս, որ բաղում աշխատեցի՝ զրեցի այս տաղարանս։ Յիշեցի յանդուցեալ հայրն իմ՝ Մարգարն և մայրն իմ Մարիամն և բոյն իմ՝ Անթառան և Աննաման և Նինան և Յուսումբն և կենթանի սիրական (սիրելի—Ա. Գ.) իմ մայրանի Յակորջանին...»⁴։

Ինչպես տեսնում ենք, ժողովածուի մեջ ընդգրկված այլ տաղերի հեղինակների մասին զրչի հիշատակարանում ակնարկ չկա, հիշատակվում են միայն Շոռոթեցի Նազաշ Հովնաթանը և նրա որդի Հակոբը։ Այս հանգամանքը մեզ մտածել է տալիս. արդյոք որեւէ կապ չկա՞ աղուլեցի զրիչ Հայրապետի և Հովնաթանյան տոհմի միջև։ Կարծում ենք, որ Մարգարի որդի աղուլեցի զրիչ Հայրապետը պետք է որ Նազաշ Հովնաթանի հորայր Մարգարի որդին լինի։ Այդ է հաստատում նաև Հայրապետի մի բանաստեղծությունը, որի տողերի սկզբնատառերը կազմում են հեղինակի անունը՝ «Հայրապետ»։ Բանաստեղծությունը նվիրված է դարձյալ Նազաշ Հովնաթանին։

1 Ն. Ակիսյան. Հովնաթան Նազաշ և Նազաշ Հովնաթանյանը և իրենց աշխատությունները.—«Հանդես ամսօրյա», 1911, էջ 390։

2 Ա. Գ. Գեղար. Հովնաթանյան տոհմի նորահայտ մանրանկարիչներ, ՊՂԶ, 1983, № 2, էջ 72։

3 Մաշդուցի անվան Մատենադարան (այսուհետև՝ ՄՄ), ձև. 4426։

4 Նույն տեղում, էջ 121 բ.։

Հայեցէք, եխպարք պատվական
Ասէք տաղերս քաղցրաձայն,
Յիշեցէք Նազալ Յովնաթան,
Րարունի է խիստ գովական,
Այս հոգէւոր և մարմնական.

Պիտ լցրէք գոլուն վերական,
Ծլէք ասէք Սաղմոսք Դաւթեան,
Տեսէք ձեր տունըն հօքեկան
Ձեր է աշխարհըս և ընթունայն՝.

Հայրապետը ձեռագրում կատարել է նաև որոշ նկարազարդումներ: Դրանք բուսական դար-դեր են՝ նուաճ թփեր, ծաղիկներ, որոնք նկարված են ավելի կոպիտ և չեն համապատասխա-նում Հովնաթանյանների գեղանկարչական արվեստին: Նրա օգտագործած գույները, որոնցում դերիշխում են թանձր կարմիրը, կանաչն ու նարնջագույնը, դարձյալ հեռու են Նազալի օգտա-գործած նրբերանգներից: Որ իսկապես այդ ծաղկանկարները գրիչ Հայրապետին են, հաստա-տում են նրա բանաստեղծության շուրջը կատարված նույն ոճի ծաղկազարդերը.

Ծն ձեր ծառայ եմ և տկար
Մարգարի որթի եմ Հայրապետ
Ով սիրելիք որ հանգիպիք,
Մեղավորիս էլ յիշեցէք
Վարցն Աստուծոյ առնիցէք. ամէն՝.

Ձեռագրում կա պատկերազարկան հետաքրքիր շարք, կատարված անհայտ նկարչի ձեռ-րով: Նկարաշարն ունի աշխարհիկ և կրոնական մանրանկարներ: Ձեռագիրն ուսումնասիրող-ների ուշադրության կենտրոնում են եղել միայն աշխարհիկ նկարները, որոնք հրատարակվել և շրջանառության մեջ են գտնվել⁷: Մինչդեռ, չափազանց կարևոր են նաև կրոնական թեմանե-րով պատկերները՝ «Աստվածամոր թագադրումը» և «Գրիգոր Լուսավորչի տեսիլը»: Հենց այս երկու նկարների մասնակի քննարկումը հնարավորություն է տալիս նախ՝ բացահայտելու նկար-ների ավանդական աղբյուրները Հովնաթանյանների գեղանկարչության հետ և ապա՝ խորհելու ձեռագրի անհայտ նկարչի մասին:

Ավետարանական կանոնիկ պատկերաշարում «Թագադրումն Աստվածամոր» նկարը չի հան-դիպում, քանի որ այդ մասին Ավետարանում չի հիշատակվում: Սակայն հայկական «Անկա-նոն գրքում» ասվում է, որ Աստվածամոր վերափոխումից հետո Պողոս առաքյալը Պետրոս առաքյալի հանձնարարությամբ իր մխիթարական խոսքն է հղում ժողովրդին, նշելով վերա-փոխված Աստվածամոր բազում բարեխոսությունների մասին: Նա իր խոսքն ավարտում է այսպես. «Ջլաղթութեան պսակն ի գլուխ կապիցէն պայծառապէս՝ Կարծում ենք, որ այս նախադասությունում ակնարկվում է Տիրամոր թագադրումը:

Այդպիսի պսակի էին արժանացել նաև սուրբ կույսերը՝ իրենց նահատակության առթիվ: Այդ մասին կան վկայություններ սրբերի վարքերում: Այսպես. Սանատրուկ թագավորի դուստր կույս Սանգուխտը, ընդունելով քրիստոնեությունը, հոր հրամանով դատապարտվում է մահ-վան: Թագոս առաքյալը Սանգուխտին հայտնում է. «Ուրախացիր դուստր, որովհետև շուտով Տերը լուսեղեն պսակ է դնելու քո գլխին»⁸: Այս պսակը դարձյալ նահատակության և քրիս-տոնեության հաղթանակի խորհուրդն էր:

Աստվածամոր թագադրման թեմայով պատկերներ հանդիպում են XII—XIII դդ. Արևմուտ-քի արվեստում, որտեղ ընդունված է Աստվածամորը կոչել «Երկնային թագուհի»⁹:

⁵ ՄՄ, ձեռ. 4426, թ. 121:

⁶ Նույն տեղում, էջ 2ա:

⁷ Ն ա դ ա շ Հ ո վ ն ա թ ա ն. Բանաստեղծություններ, կաղմեցին՝ Ա. Մնացականյան, Ե. Նազարյան. Երևան, 1951:

⁸ Թանգարան հայկական հին և նոր դպրութեանց. գ. Բ, Վնեստիկ, 1898, լ. 474:

⁹ Վկայաբանութիւն Սանգուխտ կույսի.— Յայսմաւուրք. Կ. Պոլիս, 1834, Բ, էջ 292—293:

¹⁰ Zexikon der christlichen Ikonographie. Wien, 1971, B. 3, S. 87.

Աստվածամոր երկու կողմերում կանգնած սրբերի մեջ է. ձեռագրում պատկերված են ձախում՝ Ստեփանոս նախավկան տաճարի մանրակերտը ձեռքին, իսկ աջում՝ Հովհաննես ավետարանիչը ձեռքին գավաթը: Հովնաթան Հովնաթանյանի մոտ՝ աջում Տիրոջ եղբայր սբ. Հակոբն է, որը ձեռքում պահել է գլխատման խորհրդանիշը, իսկ ձախում՝ Հովհաննես առաքյալն է, ձեռքին սկիհ:

Այս նկարը նույնպես խորհուրդն է քրիստոնեության հաղթանակի, քանի որ թե՛ մանուկ Քրիստոսը խաչով և թե՛ Աստվածամոր կողքերին կանգնած սուրբ նաշատակները այդ են հաստատում:

Ձեռագրում պատկերված հաջորդ հորինվածքը նվիրված է Գրիգոր Լուսավորչի տեսիլքին: Նկարի վերին աջ անկյունում Քրիստոսն է, ձեռքին «ծող շափու» կամ ինչպես տեսիլքում է ասված՝ Պոսկեղեն ուռը: Կենտրոնում տաճարն է, որից ձախ Գրիգոր Լուսավորչին է ծնկալոր, իսկ նրա մոտ կանգնած հրեշտակը Լուսավորչին ցույց է տալիս նրա տեսիլքով կառուցված տաճարը: Ձեռագրում այս նկարին վերաբերող բանաստեղծության մեջ ասվում է.

...Չափեալ զուգեր և նկարէր
Եւ իր ազգաց առներ անդին
Առն Աստուծոյ Գրիգորին¹⁷:

Հորինվածքի մեկ այլ ուշագրավ տարբերակը հանդիպում է XV դարի մանրանկարիչ Վարդան Բաղիշեցու մոտ¹⁸: Հակոբ և Հարություն Հովնաթանյան եղբայրների նկարազարդած Հայսմավուրթի լուսանցքում պատկերված Լուսավորչի տեսիլքը¹⁹ նույնությամբ ընդօրինակել է Հովնաթան Հովնաթանյանի որդին՝ Մկրտումը²⁰, ինչպես տեսանք, ձեռագրի ավարտման ժամանակը 1765 թվականն է, երբ այլևս չկային նաղաշ Հովնաթանը (մահացել է 1721 թ.) և Հակոբը (մահացել է 1757 թ.): Ուրեմն ո՞վ կարող էր նկարազարդած լինել ժողովածուն: Այս հարցը ժամանակին մտահոգել է նաև Գարեգին Լեոնյանին: Նա գրում է. «Իսկ ո՞վ է այդ տաղարանի նկարների հեղինակը կամ ավելի ճիշտ ընդօրինակողը, այդ մասին Հայրապետ ոչինչ չի ասում: Նկարողն անշուշտ իր ձեռքի տակ է ունեցել Հովնաթանի նախնական օրինակը. նրա իսկ նկարներով և ընդօրինակել է սկզբնաղբյուրից²¹: Գ. Լեոնյանին հայտնի չի եղել այն ազգակցական կապը, որ գոյություն է ունեցել Հայրապետի և Հովնաթանյան տոհմի միջև: Իսկ մեզ մտածել է տալիս. արդյոք Հայրապետը Հովնաթան Հովնաթանյանին չի՞ դիմել նկարազարդելու իր պապի հիշատակին նվիրված այս ժողովածուն, որի նախօրինակը հավանաբար ունեցել է իր ձեռքի տակ: Այս տեսակետից կարևոր է Գ. Լեոնյանի հաղորդած տեղեկությունն այն մասին, որ նաղաշ Հովնաթանը իր կյանքի վերջում մտածել է ամփոփել իր բոլոր զորվածքները մի տաղարանի մեջ, զարդարել տալով իր որդուն՝ Հակոբ նաղաշին, նվիրելու համար փոքր տղային՝ Հարությունին: Գ. Լեոնյանը գրում է. «Ո՞ր է գտնվում այժմ այդ ունիկումը՝ հայտնի չէ, բայց նրանից անշուշտ կերպով կատարված մի ընդօրինակությունը կար մեր անձնական գրադարանում: Ահա հիշատակարանը.

Եւ տրուպ նաղաշ Յովնաթան,
Գծագրեցի զայս տաղարան,
Խաղ և տաղեր աղնական,
Խրատք և խօսք ծիծաղական,
Ձեռամբ որդւոյս իմ Յակոբայն,
Պատկերներով տնօրինական
Ծաղկօք և թռչնօք զանազան,
Ի վայելումն Յարութեան,
Փոքր որդւոյս իմ սիրական²²:

17 ՄՄ, ձեռ. 4426, էջ 88բ:

18 ՄՄ, ձեռ. 1920, էջ 149բ:

19 ՄՄ, ձեռ. 1533, էջ 190բ:

20 ՄՄ, ձեռ. 9029, նկ. 10:

21 Գ. Լ և ո ն յ ա ն. Հովնաթանյան նաղաշները հայ նկարչության պատմության մեջ. — Խորհրդային արվեստ, 1935, 2, էջ 28:

22 Նույն տեղում, էջ 26: Օրինակը՝ ԳԱ Գրականության և արվեստի թանգարան, հայ աշուղների ֆոնդ, 19, թ. 11:

նդիշե Սարտիկյանի կատարած մանրագնին ուսումնասիրությունը նրան բեռն է տյն համոզման, որ Հովնաթան Հովնաթանյանի գործերում ակնհայտ է նրա «որ» Հակոբի ազդեցությունը, իսկ վարպետության մակարդակով՝ ավելի մոտ է պատին՝ Նաղաշ Հովնաթանին²³։ Մանյա Վաղարշյանը նույնպես այն կարծիքին է, որ Հովնաթան Հովնաթանյանի «նեղումն Ոստ-վածամոր» պատկերի ոճական, պատկերազրական ու գունային համադրման մեջ նկատելի է նրա «որ ու պատի ազդեցությունը»²⁴։

Որպես հանաչված նկարչի, 1769 թ. Սիմեոն Արևանցի կաթողիկոսը Հովնաթան Հովնաթանյանին հրավիրել է տաճարի համար նկարադարձնելը կատարելու։ Այնուհետև Հովնաթանյանն տեսնում ենք մեկ Տիխոնով, մեկ՝ Լյուդմիլանով (1769—1794 թթ.), նշանակում է նա-րավոր է, որ նա նկարադարձած լինի Հայրապետի ընդօրինակած 1765 թ. ժողովածուն։

Ի դուրս դեպքերում, Հովնաթանյանն սերնդի ստեղծած ձևադիր մատյանների շարքում այս ժողովածուն իր որոշակի տեղն ունի, որի շնորհիվ Հովնաթանյանն տոմածառը հարստանում է նոր տնտեսներով. դրանք Հովնաթանի ավագ լղբոր՝ Մարգարի որդիներն են՝ զրիշ և ծաղկոզ Հայրապետը և նրա կրտսեր եղբայրը՝ Հակոբը՝ Նաղաշ Հովնաթանի տաղարանի ընդօրինակող-ները։

²³ Ն. Մարտիկյան. Հայկական կերպարվեստի պատմություն. հ. Ա. 17—19-րդ դդ. Երևան, 1971, էջ 106։

²⁴ Մ. Ղազարյան. Նոր Լիկա նկարչի կյանքից. — Երևանյան տրվեստ. Երևան, 1968, № 5, էջ 57։